



SUMÁRIU HUSI ESTUDU ESKOPU

BA POLÍTIKA MUDANSA KLIMÁTIKA IDA NE'EBÉ TRANSPARENTE, AKONTABEL NO INKLUZIVU IHA TIMOR-LESTE



Photo . Oxfam iha Timor-Leste

Komunidade iha Timor-Leste kontribui uitoan de'it ba mudansa klimátika, mezmu nune'e, sofre ona impaktu maka'as. Grupu vulneravel, liuliu feto no ema ho defisiénsia sira, dala barak hetan impaktu ne'ebé la proporsional husi katástrofe klimátika, ne'ebé intesifikadu ho dezigualdade sira ne'ebé eziste. Despezas ne'ebé efetivu husi Finansiamentu Klimátika importante tebes atu ajuda comunidade sira ne'ebé afetadu hodi harii reziliénsia ba impaktu klimátika.

Finansas sai hanesan foku ida iha negosiasaun iha Konferensia Klimatika Nasoins Unidas nian tinan ida-ne'e, inklui konkordánsia kona-ba objetivu finanseiru globál foun ida. Objetivu finanseiru foun ne'e tenke sufisiente atu responde ba nesesidade no prioridade sira husi Mundu Sul nian hodi responde ba mudansa klimátika - no finansas ne'ebé mobiliza ona presiza to'o iha ema sira ne'ebé vulneravel liu iha nasaun sira nia laran.

Timor-Leste nia polítika ba mudansa klimátika define oinsá Governu Timor-Leste suporta grupu vulneravel sira atu adapta ba mudansa klimátika, influénsia alokasaun Finansiamentu Klimátika no benefisiáriu sira. Oxfam analiza tiha ona Timor-Leste nia polítika mudansa klimátika husi perspetiva transparénsia, Akuntabilidade no inkluaun iha Estudu eskopu. Inkluaun refere ba igualdade jéneru no inkluaun ema ho defisiénsia sira.

Polítika sira ne'ebé analiza tiha ona mak Planu Estratéjiku Dezenvolvimentu, Planu Nasionál Adaptasaun, Kontribuisaun Nasionál Determinada, Politika Nasionál Mudansa Klimatika, Projeitu Politika no Matadalan Agrikultura Karbonu Zero no proposta Lei Enkuadramentu Mudansa Klimatika.

Estudu Eskopu ida ne'e kontribui ba objetivu sira husi Programa Kotui iha Timor-Leste. Programa Kotui nu'udar parseria entre Oxfam Aotearoa ho Ministeriu Negosius Estranjeirus no Komersiu Nova Zelandia ne'ebé ho objetivu atu hasa'e reziliensia, moris-di'ak no ajénsia feto sira-nian hasoru dezastre klimátika no dezastre sira.

DESKOBRIMENTU XAVE NO REKOMENDASAUN SIRA

1.

Transparénsia artikula iha informasaun ne'ebé asesivel kona-ba mudansa klimátika no envolvimentu comunidade.

- Política hotu-hotu kona-ba mudansa klimátika tenke disponivel iha Tetun iha pájina Informasaun iha internét kona-ba Mudansa Klimatika.
- GoTL tenke hasa'e envolvimentu direta comunidade sira nian kona-ba koñesimentu ba mudansa klimátika.

2.

Akontabilidade rekere asaun.

- Maski enkuadramentu política sira reforsa ho provizaun sira ne'ebé promove akuntabilidade, maibé iha falta barak iha implementa provizaun hirak-ne'e.
- GoTL tenke implementa medida sira kona-ba akuntabilidade iha política hotu-hotu ne'ebé relasiona ho mudansa klimátika.
- Nu'udar pontu inísiu, GoTL tenke desenvolve enkuadramentu nasionál ida kona-ba monitorizasaun, avaliasaun, relatóriu no aprendizajen.

3.

Presiza urjente matadalan sira ba integrasaun Igalidade jéneru.

- Igaldade jéneru nu'udar elementu importante ida husi aprosimasaun política krize klimátika GoTL nian.
- Maibé, presiza apoia liuhusi asaun. GoTL tenke implementa provizaun hotu-hotu ne'ebé promove igualdade jéneru iha política mudansa klimátika Timor-Leste nian.
- Hanesan prevee ona iha Planu Nasionál Adaptasaun, GoTL tenke desenvolve ho urjente matadalan sira kona-ba integrasaun jéneru ba Timor-Leste nia resposta ba mudansa klimátika.

4.

Política mudansa klimátika presiza inklui ema ho defisiénsia sira.

- Enkuadramentu política la hatán espesifikamente ba dezafiu sira ne'ebé ema ho defisiénsia sira hasoru relasiona ho krize klimátika
- Política hotu-hotu kona-ba mudansa klimátika tenke atualiza hodi inklui provizaun sira kona-ba direitu, nesiedade no prioridade ema ho defisiénsia sira-nian.

5.

Planu finansiamentu klimátika no estratéjia mobilizasaun ne'ebé rekere hodi implementa política ba mudansa klimátika.

- Implementasaun enkuadramentu política mudansa klimátika depende ba rekursu finanseiru dedikadu.
- GoTL tenke desenvolve planu finansiamentu ida-ne'ebé estabesele oinsá atu financia política klimátika Timor-Leste nian, hamutuk ho estratéjia mobilizasaun finanseira ida atu asesu ba apoiu internasionál ne'ebé esensial tebes hodi implementa asaun klimátika.

6.

Akontabilidade no inklusaun ne'ebé forte importante tebes ba direisaun futuru.

- Política no lei hotu-hotu kona-ba mudansa klimátika iha futuru, inklui Lei Kuadru Mudansa Klimátika ne'ebé propoin tenke progresa ho provizaun sira ne'ebé forte liu kona-ba ekuidade jéneru no inklusaun ba ema ho defisiénsia.

“TIMOR-LESTE NIA ABORDAJEN BA MUDANSA KLIMÁTICA IHA NO SEI KONTINUA HODI HETAN INFORMASAUN HUSI NESESIDADE ATU POSSIBILITA REZULTADU DEZENVOLVIMENTU SUSTENTÁVEL NE'EBÉ SÓ BELE ALKANSA BAINHIRA FETO NO LABARIK-FETO SIRA HETAN KBIIT IHA SOSIEDADE.” KONTRIBUISAUN NASIONÁL DETERMINADA PÁJINA 57

Estudu Eskopu ida ne'e hetan suporta husi programa apoiu Nova Zelandia nian. Hanoin sira ne'ebé hatu'o iha publikasaun ne'e la nesesariamente reftete hanoin sira husi Governu Nova Zelandia nian.